



里堂詩集卷七

七

村居草木詩

昔江淹遣謫閩中作草木頌蘇氏園中草木詩亦京
師倡和之作壬戌六月余自都中歸閒處靜觀別有
所會撫時憶昔感從中未亦得十篇偶同於蘇實非
效也

客遊亦云倦歸家值長夏槐老舊枝歇新肄復盈把愛
惜不肯修時、墮檐瓦無名青草生參、沒人蹀湖莊
遠市城門外無車馬

江都焦循撰

幼女種秋葵：生正盈尺葉才鴨脚舒秀立見風格摘
葉令婦烹清香發嫩碧昔人盤中餐難語食肉客吾愛
向日誠開花宜倍惜

竹老笋不豐新篁苦短瘦當窻綠一叢涼氣生晴晝晨
起翻古書陰：益神秀惜乎蒿與藜相雜且爭茂持鎌
絕其根蒼耳刺滿袖

去冬程先生貽我萑蘭圖尔雅幾回讀細驗囊中茶吾
村多此物柔蔓緣牆隅晨起度枝葉頗與圖中殊化機
任天地形跡真難拘
其樹花寔香或以名棄之傷哉耳代目抱質空自知衆

惡我必察不令缺鐵施花開簇紅玉一株數十枝折向
膽瓶中人擬天桃姿

護草北堂發見之憂乃忘勺藥不堪贈籬畔開青棠南
風來悠：風挾幽香靜坐得天性萬物同相羊及時足
怡悅多事懷秋霜

栽柳二十年酬我綠深：主人多遠遊間此溪上陰流
光迅如電人老木成林幻影歲更易舊迹焉追尋打起
枝上蠲嘒：煩虛襟

先人好花木手植半零落我憶垂髫時誦讀不知樂窻
外三老梅風雪破寒萼有百尺松孤峻入雲罨枯根

不忍去相思影依約

尚有木蘭樹扶疏盛於昔山茶老而豔初春鬪紅白海棠有子孫新條抱蘚石六月象花過翠葉亦清遠叢桂

何耽：寧惟香可摘

吾族聚一村四圍擁喬木屋瓦密相次福梁家不足迄今三十春丁口日消蹙雖言命運艱亦為廢耕讀舊屋無二三檀伐惟存穀

荒園不成式先業未移更自昔無梧桐梧桐多秋聲祖宗世仁厚接物全春生後人永宜念莫愛朝菌榮良木自不腐何為口舌爭

司馬遷銅印歌

太史公何年摹印剗山銅天漢至今二千載蟠紐犢鼻青璽瓏吾聞漢武制印：五字此印不關封爵豐白茅夜立羽衣蕭天士地士煩凋工大將軍印錫塞上銀黃交錯光熊：是時蠶室共觀笑一死輕若毛生鴻吁嗟乎鐵騎三萬出高闕何如百三十卷成史功河渠封禪倩誰筆金剛靈璽歸秋風允宜金鑄祀百世後裔食采徒史通此印自有鬼神護隱：血氣陰宵紅不華摩娑弔古物誰能與此爭雌雄所惜良友既盡外孫戮遺書零落紛殘叢龍駒繼噬見微意十書補綴勞褚翁當日

丹泥一手鈴記曷慮文白多少是非真偽殊難同
阮中丞得陶陵鼎送置焦山邀同人以詩媵之作五
言一首

隃廩鼎之鄉陶陵鼎之國自西而徂東祀事薦鬼食歲
月既久遠漂泊不得息所歷知幾家主人今始得琅環
仙館中摩挲辨古式平湖朱孝廉考古有特識定陶亦
稱陶沛水逕西北將軍大司馬送葬奉上勅定陶共王
陵官厨器不啻此鼎所共有據匪私臆僉曰鼎幸哉
得依主人側主人曰否萬事寧易測我生保護之子孫
難世德萬一鼎失所我心能無側為鼎計久長窮思周

四極焦山江海間卜之蔡食墨筮人諏日吉飭匠備裝
飾匱以文木雕衣以古錦織設醴衍嘉賓酬酢日西曷
人各譜新聲工歌壯行色從此鼎入山烟霞自深匿評
議任遊人永勿墮貨殖鼎身廿一鐫鼎蓋卅五刻陳列
非一枚消磨歸朽蝕悠々二千載獨傳豈人力寄語山
之僧晨夕慎瑩拭文王舊鼎存與山同不泐此地無譁
囂相從守元點

與朱椒堂月下聯句二首

木葉蕭々下為弼官齋秋已深倚闌對寒月循聽角多

清音尔我同為客弼行藏共此心誰人足千古循但感

歲華侵弼

四

相聚亦無定 循萍蹤信所遭 思家還久立 弼論古欲長

號鬢影短猶黑 循雁聲鳴漸高 傲霜殘菊在 弼微醉鼓

餘豪 循

杭州雜詩

壬戌七月以阮撫軍之招復客武林至冬而歸理所

作詩得絕句二十二首

百畝何堪兩月晴 水車聲送客舟行 塘樓一夜傾盆雨

明日錢塘未價平 塘樓夜雨

送客樟亭 重分灘江萬里接 烟雲孤舟莫厭天涯遠

白髮堂前正念君 送汪小竹之粵西

扁舟無賴逐飛鴉 小睡方濃日又斜 覺有餘香吹入夢

錢王祠外白荷花 錢王祠

摘句尋章苦未休 諸生若个覓封侯 軍書海上新未報

又斬妖狼四十頭 謝顧千里贈孫吳兵書

陰：小雨到三更 對影擎杯事不成 豈是寒灰埋鏡魄

二分原在故鄉明 中秋無月

聚散無端悵水萍 劉郎風骨自亭亭 落花時節燕臺醉

十里松風又共聽 喜晤劉芙初

西陵驛口帆初出 赤岸山頭木未摧 若个要逢胥種怒

如霜一線卷秋來登吳山見潮

練燈無燄泣寒蟲寂、官齋小院東獨坐秋窓讀秋水

雨聲和葉下梧桐夜坐

石楠聽雨憶霜晨款段騎來湖水濱佳話今年足登記

孤山秋訪二高人訪李尚之臧在東

陶詩一卷尋常和讀醉卧柴桑我未能欲眺鍾彭上廬阜

吳山今日却慵登九日

共訪青山學問禪修篁左右夾吟鞭放生池外鷺如雪

閒倚疎籬自在眠與程竹菴顧鄭香林小桐遊雲棲

去年到此茗花落今歲未遊花正開九處溪流萬竿竹

蒼苔樵路久徘徊理安寺

才看潮上又潮還醉倚江樓夕照間記得西陵泊船處

故人猶自識蕭山江樓小酌

青、無奈晚霜何屈指春風幾度過塔下苔痕正幽潔

怪他猶半戀枝柯梧葉

話到蒼生念亦癡霜鋒解珮未嫌遲祖鞭自讓君先著

莫忘官齋夜語時與朱椒堂夜話

自有東籬好樂羣無心也暮出山雲幾年浪許人間買

身價曾教到十分見倚花村菊

積堂妙句樗菴畫清極皆同百尺條莫要坐當秋雨後

一亭黃葉夜蕭蕭

題桐陰覓白圖

老榦扶疎圍滌屋清寒到底足盤桓荒園亦有梅花樹

歲暮看未學冷官題繞屋梅花圖

惡竹應教斬萬竿騷人例作葦菴看雪屏真是知蘭者只

畫疎幾葉蘭雪屏畫蘭

老作孝廉殊自愧四十得孫良可欣老母呼喚速歸去

煮酒烹豚告祖墳得家書口占

車聲古道記春初幾日匆匆返舊廬今日訪君與君別

北新關外柳堪梳別程元香同年

青錢二百風一蓬帶江船映江波紅帶到瓜洲解纜去

率然不見烟波中帶江口號

第七卷三十七首

里堂詩集卷八

癸亥至乙丑

哭族兄恒如

江都焦循撰

吾族日衰落凋零又到君眼前
皆白髮原上幾秋墳古

道豈云墜春風空自薰
兒孫知善守耕讀各勤

寒食曲二首

寒食吹寒風不令花破
萼非妬花易開為惜花易落
寒食風兼雨冒雨添墓土
楊葉聲蕭蕭楊花不堪舞

效四靈體

詩派寧教重永嘉
吟來春已到村家
山溪暮長知融雪

野草初生認種花日力且憑閒處惜虛名休向眼前誇
連朝社酒忘賓主扶醉歸來日未斜

田家

春晴未耕作邀我聽新鶯小舟六人坐泛泛隨波行相
去僅二里屈曲成遙程舍舟入蓬室環坐杯頻傾園蔬
味真妙笑傲忘隱名谷風東南來吹雨作寒聲可無早
隸至歡飲到三更

治平寺

我居湖水南閒行水之澳四面波如烟屈曲達僧屋巍
然一殿存佛龕飛蝙蝠破垣倚孤墳樓邊供漁牧僧詎

耐荒寂高戶去不復隣家見客來煮水潤枯腹此寺肇
自唐此地本平陸南北為通途千家聚邦族桑田既成
海周環但水復東望露筋祠烟波隔春木孤帆覽社耒
蘇、接淮瀆吾居咫尺間踪跡徒鹿、今年為此遊自
謂有餘福陰雲連湖波昏黑忽蔽目欲探壁上碑手摩
不能讀

石坊

石坊立墓前樹伐石孤立疴癢任牛摩糞汗恨鳥集偶
尔桑小舟曲從小澗入迤邐至墓前向墓謹長揖凝眸
辨坊字、上苔花澀葵心郭隱居不仕無官職曾為鄉

飲賓高風重邦邑吾里俗故淳耕讀各安習願勿見異
遷野穉雜嘉粒先民有遺德光輝長熠

登甘泉山

南嘗登會稽北亦瞻泰岱惟此甘泉山若彼皆不逮豈
真較彼高近我則偏愛三月既生霸隨意約同輩十里
沿溪行由面達山背野鳥餘春聲青松作閒態魏二靈
雨臺四望目無碍湖光遠接天桑田繡其內金牛一點
烟北固澹如黛前人未品題此山乃輻輳或云斗之精
七峯與天配山神不受諛不必向山訊評山根有人家竹
籬聞犬吠

吾無

吾無芻牧責水旱不須論農叟泣無食江潮喜到門嘉
禾亦已沒隴畝尚知存莫管馮夷怒臨流看月痕

蟹

相習不知味只今方穆然猶之秋雨後却是荻花邊旅
食懷千里還家又一年持螯誰吏部風尚合歸田

共放

小舟如一葉共放入村南無意逐烟水偶然來野菴滿
天生雨意半日得僧談興盡速歸去閒遊亦戒貪

汪孝嬰訪予來湖中喜而有作

秋水久圍屋故人何處未隙蟲鳴未已籬豆正花開不
覺遂三載相看且一杯馬嘶人欲去怪是夕陽催

今歲

今歲纔知此是家每豈是惜年華蟹肥便結室中沫
癸老猶開韉上花結習未能忘筆硯機心時許入烟霞
汝墳豈為閭民賦但笑周髻意太奢

雜草

一月不雜草當門如亂絲呼童急芟盡莫使稍留遺猛
雨至如箭秋花皆頽欹乃知花本弱賴草相扶持賴草
相扶持尔花安用之呼童亦拔去讓月鋪階墀

兒郎偉

癸亥秋水溢隈壞鳩工修之種以楊柳築者請為歌
以宣其力

築隈築隈莫惜力土嬉水怒塞不得水不避土：失職

兒郎偉築隈築隈莫惜力築隈不成力不息不如速成

歸早食兒郎偉築隈築隈莫惜力阿兄在南我在北與兄

合攏在此刻兒郎偉築隈築隈莫惜力明日風吹雪如

織老父涉之僵且踣兒郎偉

兒郎偉種柳深：易生兒郎偉種柳多生相爭兒郎偉

樂文末三幾傾兒郎偉儼而弛如結紫兒郎偉侈者節

風不驚兒郎偉岐者北蟲者更兒郎偉局厥本聖厥莖
兒郎偉守勿輟握或擊兒郎偉萌舍下升其情兒郎偉
紹在顛厥力并兒郎偉日寸積月文盈兒郎偉長若戟
短若纓兒郎偉陰蔽暘利衆行兒郎偉波不溢木長榮
兒郎偉豐年屢稱焉鱣兒郎偉楊柳密湖水平兒郎偉
歲甲子觀厥成

百尺梧桐閣為汪小魯作

汪蛟門比部以百尺梧桐名閣荒廢售他姓久矣小
魯之高祖遠園孝廉與比部為兄弟小魯今讀書處
亦兩桐甚修以昔名著之

年々看種樹幾處長風烟高閣豈殊昔雙桐正屹然達
人知有後座客且無前變化誰能定長懷馬詔篇

贈王實齋 名聘珍 南城人

武林一夕記聯牀書劍從容到敝鄉洛下有窩延處士
柯亭何竹待中郎吟來鴻雁三秋雨賺得關河兩鬢霜
為問南湖烟水濶君家彭蠡豈相忘

鶯

從來多道尔果是聽來頻弄影恰宜柳鳴春解衙人門
前芳草暗陌上女歌新野老怪多事殊堪見性真

郭公

豈無百夫長何用尔催耕未曙舌已瘁尚春農不驚福
梁爭貴賤桑柘雜陰晴我願如農圃關心聽此聲

與汪孝嬰登泰州望海樓

泰州余至十三次今日登樓得共君屈指二十七年過
盛衰生死如烟雲西望揚州山青似髮東觀滄海淨無氛
與君高唱皇華曲城外野田嘶馬羣

夜渡朱家湖迷路入畢家洶

舟子不識湖中路強意勞之入烟霧家住湖西舟北行
問之不得言其故是時月黑東風狂猛雨如箭斜入艙
魚斷過波作八陣盤桓欲進悲羊腸草邊漁父正酣夢

答著作枕手抱甕此地從無估客來夜靜何為成市閭
向前拱手問所在指點垂楊見高堦性定雙眸頃有光
東西南北原無改

蝗變蚊

嘉慶甲子三四月間突有巨蚊蓄人相傳蝗卵所化

喜而賦此

蝗未食我粟蚊未食我肉寧食我肉勿食我粟食肉
瘦人尚存粟盡飢寒啼一村田祖有神再拜謝鳴銑擊
鼓翳桑下

黃鳥吟

有夫婦販藕者為盜掠盡其財物削甲莫肯為力飢
餓夜啼哀不可聞為按其聲而水之

甲子四月二十六日

黃鳥自食粟桑扈自食花黃鳥自食花黃鳥自有家南
山穀樹大于屋兩雛呱、夜投宿火聲大笑出巢顛鬼
鳥如車食人肉、苦不可食、我巢中花歷過秋霜復
冬雪花上腥紅舌上血黃鳥自食花黃鳥自有家有家
不能歸有粟不能飽不願樹生花只願不生鬼車鳥

夕陽

共道夕陽好晚來晴更宜才明半灣水已上最高枝兩
脚逐雲去虹頭飲澗避人情知易厭不肯駐多時

湖村

湖村足棲息兩歲覺秋清霜肅葉還綠吟高鳥不驚競
心緣病息衰髮逐秋生只願親身健年荒亦太平

擬樂府

針線層層：密嚴寒恐襲肌不思衣到日已是脫棉時

惡竹

惡竹斬不盡今年生更多甚妨花入眼不見月成波亦
有雲霄意其如德解何又憐相蓄久自怨亦蹉跎

哭孫貴齡

比到童烏事亦虛眼前恨淚忍徐、一家歡笑皆憑女

三三
後日悲傷孰慰余况是老親扶病日不堪荒歲輟耕餘
秋風燐火黃昏月望尔魂來就我居

第八卷共二十八首

通共二百六十首

里堂詞集上

江都焦循撰

擬古十二首

南歌子

妾是河邊柳春風夜、歸柳葉待風吹風吹春又老絮
飛

楊柳枝

枝上鶯聲慢轉儂唱新歌較鶯善郎聽儂歌莫聽鶯啼
落楊花柳花片

漁父



鐵馬金戈擁^上七騶故人百戰得封侯
瓊笠子破羊裘年年歲：荻花洲

清平調

愁倚疎檣歌惱公可憐花亦夢
魂中人間盡解懸情事無那風催
市地紅

長相思

長相思在千里南北迢^二大河
水河水深妾無葦晚鵲報佳音
春燈結丹穗欲逐遠歸人奩前
快梳洗

天仙子

門裏青苔門外草郎騎白馬
何時到阿郎專愛弄調弓

早縛狼晚放鷓不管深閨鬢絲老

踏歌詞

鶯老春誰妬鴻孤夜莫憐裙垂
肩翠襪釵彈壓花肩但願長如
繡上繡並頭蓮

謝秋娘

江南好江北更風流柳絮池塘
歌女渡柁花籬落酒家樓緩
：理歸舟

甘州子

甘州城畔^草青：春燒盡又重生
三更有夢未能成釵落令人驚
山下路夢裏亦難行

訴衷情 上

鷗白如玉相對宿藕花紅江水淺舟轉趁西風人遠唱
聲通聲中依稀訴語悵訴難窮

一點春

三月三旬後老梅葉、新欄邊勺葉逐風盡何處根尋
一點春

荷葉盃

幾日相思如醉垂淚心事強遮瞞忽看郎戴惠文冠歡
摩歡歡摩歡

古調笑二首

春月春月不應者番奇熱分明暮四朝三頃刻風吹雨
寒、雨寒雨一夜不眠因汝

因汝因汝滿樹杏花黄土果能長此霜風花亦甘心落
紅、落紅落又見花開墻角

水龍吟

記水災

馮夷為甚鳴張洪濤百丈憑空至傷人稼穡殘人墳墓
毀人宅第自堰而湖自湖而閘遂盈平地既珠湖蓄急
荷塘莫保知棠棣今宵潰 盛世亦逢百六記今年歲
交丁未孟秋之晦仲秋之朔暨於初二三日之間幾千

人死幾千家毀我歸從郭裏人屍滿目與牛屍比

浪淘沙

立秋前二日

冷雨落閒庭衫上涼生寒蠶漸、向牀鳴兩夜不長須
不得便弄秋聲 階下幾流螢空自飄零濕雲開處幾
星橫坐到井梧聲不滴已是三更

賀新郎

七夕泛舟虹橋

落日秋天暮駕輕舟秦淮渡小綠楊城塢天上今宵逢
七夕傳道牽牛織女此夜效人間夫婦橋外遊船鐙似

晝都笙歌鬧向紅蓮浦要一盼雙星晤 一年別緒如
何訴想當是牽裾執手各申請憐小棹移來更已半翹
首無雲無霧尚不見誰迎誰赴醉眼矇矓烟共水見螢
螢忽過天河渡却還是流螢誤

摸魚兒

步月

辛丑七月十四日黃春石羅
養齋江定甫汪掌庭同作

要非他玉輪光潔綠何今夜尋訪浮雲一角噴如水頃
刻寫成秋浪蟾影漾恰做得江天空處浮孤舫常娥未
往甚丹桂香濃此中寂、根榦可無恙 笑今夜水調
歌頭未唱中秋方共瞻仰不隨人熱先相賞徐步長吟

而望須共想誰不是神寒骨淡同伊况愁眸漫倚怕見
影圓時家之跪拜拍掌練光上

蘭陵王

王子在江寧見刺工諸少年於朝天宮祀羅祖問
何神曰羅隱秀才也感而作此

噫昭諫潦倒終身憤懣庚寅後青草洞庭流落江湖壯
心散開元豈敢訕鍛鍊風流罪案讒書盛客得彌衡除
却錢塘孰青眼 千年市朝換果苑桂香稠江鱸紅滿
萬千變化將人看論是非死後幾人香辨江南甲乙十
國冠此倚却冰炭 燦々衣煥憶舊日奇讒成識非

幻須眉醜記焚詩慣數死生知己令人嗟歎屠沽何碍
甚顯榮甚褻嫚

醉垂鞭

雨後馬上望華不注

一朶碧夫容夫容碧春雲白浮起接晴空山因霽色濃
方纔風雨劇催行客趨花驄人在畫圖中鞭稍遙向
東

江神子

藕神

濟南大明湖皆藕田
種藕者祀神甚恭

大明湖是藕花田敬神虔要神憐萬朶千枝開作並頭

蓮結得蓮蓬中有子都的樂似珠圓阿郎船接阿儂
船住東偏讓郎先今歲蓮花開處勝前年要折紅衣簪
兩髻須禱祝向神前

河傳

岳墳鐵人

尔鐵汗蟻檣杙饕餮囚者伊誰長脚長舌暨万侯高循
王鐵山張黃金留鑄將軍骨茲何物也費鑪工出東

窓鍛鍊打錯成弗無言擱三千

題江補僧家書

補僧名鏐家書用篆體其尊人良庭先生平不作正書也良庭以篆文寫尚書補僧手寫佛經

蟲尾盈紙米鹽課事往來書字家人婦子總能通江公

傳家慎與冲壁中科斗臨非誤又兼取天竺先生古

今文書古文書浮屠寫曹波磔殊

木蘭花慢

齋前五蘭

嘆年來落魄借遊興去鄉園只魯道春吟吳山旅夢兩
載馳奔今春閉門家處見庭前玉樹白無痕果是瓊瑤
千尺分明破我羈魂先人手植悵今存花比舊時蕃
記客集鄰翁杯擎春酒笑舞兒孫飄蕭白頭親族都一
坵黃土綠楊村對此花光明潔幾回淚滴芳尊

滿江紅

朱米山上四十以詞索和米山名第
休寧人

閱徧交遊不如理田農拙業記當年鷓鴣灘口賀蘭山
宵歲月愁從征路過人間青紫由他拾問先生甕內酒
如何休教乏萬里路君何怯一介孺君何屈嘆銷磨
骨肉松棺瓦匣積毀自枯肌內血報仇莫買街頭錘更
誰知海上有蟲兒蚊之腹

南歌子

半九青塾四詠

茶烟

盃酒年來斷清茶日日烹松毛帶濕燼烟青一片輕雲

梟、隔疎櫺 舊壁蝸薰跡新鐫蟹啞聲斜穿花外出

檐甍引得鄰翁扶杖過閒評

花影

寒月秋窻外春陽午砌初隨他密、與疎、任是萬千
紅紫總模糊 非彼原無此看他似渠梅花修到又
何如似我夢中胡蝶化蘧

鳥語

叫月何知冷鳴春不解愁曉來消得一庭幽試問啾、
唧、為誰謀 鼓吹殊堪代呼名各一儔桃蟲辛螫喙
如鉤我道不妨隨意學鶯求

書聲

地僻經過少無煩苦送迎天機乙乙靜中生又聽兒曹
燈下讀書聲倦眼花前白殘氈雪後青休因科舉廢
農耕甫里先生耒耜有遺經

祝英臺近

槐子河之南路旁凹處土人相傳為祝英臺墳余
在山東曾見英臺墓碣後在浙則鄞又有之或謂
槐子河南之壠實煬帝葬處而托之英臺者也

鄞中兒曹氏祖七十二疑冢何代佳人分葬數邱壠不
如寺外真娘橋邊蘇小舊時事有人傳誦土誰擁難

憑巷語街談真同射覆蛹曾戀江都化作玉鉤夢從知
樂器埋屍木蘭送緋繇揉入鶯花無縫

御街行

種樹

柴門何物能招鳥多種垂楊好縱橫顛倒插皆宜溪屋
三間周迭藏雞埭內招豚苴裏莫教傷殘了五株寧
襲淵明福誰肯邱園老此間無有別離情不怕撩人煩
惱初春舒眼莫春飛絮消去春多少

恒橫顛倒句本
我園

上卷三十一首

里堂詞集下

江都焦循撰

瀟湘夜雨

荻花

千里蒼涼三秋景况自然不比陽春寒江何處著花神
天影淡鷗飛不見夜籟靜潮信空聞轉彭得漁莊蟹舍
柘葉如焚青：何在昨宵孤月照滿烟濱說飄零殘
絮誰辨非真愁片：花生倦眼笑歷：蓬轉羈身秋江
上夫客老了惆悵白頭人

金瓊子

黃葵

即向日葵俗誤以向日葵指金盞菊

天上秋雲在流黃
裊裊成羅幕
敷弄作秋花
纔晨露
微沾恁般輕薄甚
輕甚薄如他趁
金風蕭索
剛覩得池邊褪
殘紅
艾便舒雞脚
偏作意兒弱
禁不得黃昏月
半落
聊將意兒攏起
懨懨地
容顏似有所縛
若言命是
苜蒲又朝昏
顛錯還冤
是
多少向日心腸
被那偷却

繡停針

剪秋羅

細毛毳裏又濺滿
猩紅甚時飛上傳
是閨中將者箇兒
剪出犬牙新樣
半枝初放便見
尔衰相向未知
二月春

風可曾費他裁量
分明恨淚染
或寄到關山
戰痕斑
漾零碎
吳淞誰想醉來
一簇五銖衣
絳舊紉無恙
夜靜
吳并刀聲
倚面
剪朱暈
守宮
贖來情狀

爪茉莉

紫茉莉

俗稱啞子花

那个禪心指名叫
素柰因何地
此情無賴
殘陽墜了倒
染出胭脂一帶
正疑是淚簇
啼鵲却
昭藐羞尚
害春
花妬很魏家兒
甚驕恁
潛避佳土階
籬外無言到老等
回光何時會
要訪儂
莫道晚來人
忘粉兒
換儂面在

念奴嬌

昭

送袁雲樓歸東吳

雲樓名仁虎

先生歸去正吳中花鳥陽春時節短簿祠翁銷盡了前
此淒風酷雪白髮高堂紅裙稚女左右牽裾說昨宵夢
得有人來送雙壁天意玉女於成先教卧遊罷揚州
烟月皓首儒冠成應事換得肝腸如鐵冷鑄青松霆剝
惡竹拭眼看他折喜君歸矣又愁明日君別

沁園春

蕉葉

蛭蛭

以蕉葉為之通肖市中有賣此者

尔形甚微依草附木匿貌強顏憶飛熠螢生於腐草蝶
魂栩栩變自花間然是天機非關作偽怪尔寔前綠作

天因何故却昨宵清白今日冥頑似愁修竹糾彈仗
蝸角功名鬪觸蠻笑相依非類甘心蚯蚓包藏禍險托
跡蝗蝻心卷書斜胸排字梵尔雅原知磊落難從今後
應常儔逢蠹蟲莫侶松杉

長亭怨慢

舟宿奔牛

月邊雁烟邊柔櫓靜聽聲不差絲縷此已江南夜寒
人睡夢前浦穀豐困滿危也吠蘆中戶戶隙小燈紅恰
是一村醪沽所更許計三年別况早又過斯寒渚韶
光迅駛怎禁得頰毛霜吐試一算古錦囊中賸多少心

肝歐取記薄晚奔牛明日吳山紅樹

高溪梅令

自橋之吳江

晚霜寒柳半林黃過橫塘望得纖針影認吳塔痕烟
外長櫓聲搖背暮山蒼五湖涼但見薰葭縫路作羊
腸片帆遙隔莊

鹽角兒

自吳江至平望

霜痕弄白月痕送白長橋人跡紛紛纜影連綿似織漕
船商舶大河寬弱河窄嗟舟子初番行役可知未黃

昏舊路千里角聲寒驛

秋夜雨

自烏鎮至新市迷津

南行正好孤帆飽湖橋偏又西繞菰蒲又處亂甚望似
支：鷹爪寒星幾點黃昏後聽微巡遙有村堡雁影
天半小共一片烟波飄渺

琴調相思引

題江志和小照

曲：闌干小徑通鶯邊那更怨嬌紅今朝何事獨坐碧
梧桐好韻幾回推杜律故人千里憶蓮筒思量未已

鬢影覺秋風下

點絳脣

林溪

題麻姑畫

東海桑田換未三度年猶小髻雲香繞真個人間少
米是靈砂指點原非狡丹青巧怕人鞭拷短畫衫邊爪

珠影

落葉

劉纜靜翕忽夢魂醒轉窗外雨急倦眼矇矓明月如銀
窺簾透滿吟室嚴霜不念東風力竟任意摧殘仙質縱
那廂石畔松針亦供採樵人拾容易春光送綠半春

醞釀了方見綿密欲問年、既使青、怎復教他蕭瑟
從今老長口是到已再飛蓬首疾却奈何楊柳樓頭
却空空極

為陳曼生題九里洲觀梅圖

斯真秀越儘芳洲九里都種香雪五、三、除却山青
相依只有明月詩人豈盡傷寒餓看數萬肝腸如鐵尺
素中約略暮未遠覺此間幽絕僧舍籬邊坐處想君
夢寐裏餘味猶烈况復同行主客師生總是連環仙骨
惟壽已活溝中瘠便歲暮野無淒咽杜少陵易惹鄉愁
應亦幾回遙折

滿江紅

下

題顧鄭香風雪渡江圖

鄭香名廷
榆山陰人

一夜淒風吹出得瓊瑤半江當此際寒梅花飲瘦鶴聲
藏有客獨揚帆一葉山陰百里到錢塘對橫波放眼入
空濛豪興長杯內酒澆石腸要間劍掣秋霜任絲
玉屑亂打蓬牕乘興而來君試說剡溪曾效子猷王且
同君高嘯海天空烟霧

八歸

辛酉閏中作

檐牙嵌額垣端拘肘寒送夢裏三更參橫月落燈光暗

聽他下筆伊吾數萬蠶聲老婦簪花吾倦矣任蝸角蠻
觸蠶爭喚號卒垂下帘兒讓眠到天明微名當年初
試垂髻方短到今殊髻霜生地爐紅處二三人語豪興
詩酒間評歎流光逝水幾人老去幾公卿撫牆畔蘚花
磚字秋蟲長伴鳴

菩薩蠻

題汪飲泉填詞圖

天公賦與多情骨情深似井尋難出兀坐且填詞紅窻
秋滿時長亭何處酒莫學屯田柳翁有綠鬢人惹他
眉上顰

揚州慢

下

六

未磨抱犬圖為江子屏作
書可充飢寒醴無恙古人若是辛勤念家徒壁三更旅

客孤身笑騎鶴要纏未富雒陽殘紙斯地誰珍但茵邊
黃耳依時共哀呻 贈袍縱有正羞從搖尾風塵算
此日窮途他年學士都督參軍豈是寄人籬下悠游效
鬻狗空陳向圖中看取猶教流汗露中

天香

武林中秋待月不得

與許楚生同作

玉兔迷離天香杳渺嗔他不教雲破葉要乘風蟲猶鬧

雨石上幾回孤坐橐聲鹵莽催到了三更無那閒煞詩
腸酒意秋宵欲來還情 三分二分誰个計家園桂花
黃唾屋角一輪推出盡消塵澆少罷閨中夜課倩畫燭
雙、導蓮座幼女階前深、拜賀

許珩

蘭淚垂、梧風瑟、愁城濁酒難破鏡能雲中香收
天外兀、賺人閒坐梯空甚術拚深掩軒窗則那應
是無聊慣也良宵更教偷情 豪情近來若个肩珠
璣九天飛唾請借吳劉玉斧劈開雲澆重擬更闌小
謀拍水調平不舊詞座莫憶江南傷心老賀

和詩八首平公舊隱或真謝云係禹...
 殿其天無靈龍前...
 是無...
 天...
 蘭...
 指...

下卷十九首

通共五十首



